

25 SEP 2001

DR MAHATHIR RAI THAN SHWE PADA JAMUAN MALAM

PUTRAJAYA, 25 Sept (Bernama) -- Datuk Seri Dr Mahathir Mohamad malam ini meraikan pemimpin Myanmar Pengerusi Majlis Pembangunan dan Keamanan Negara Jen Kanan Than Shwe pada jamuan malam di kediaman rasmi Perdana Menteri, Seri Perdana di sini malam ini.

Jamuan itu diadakan bersempena lawatan tiga hari Than Shwe ke Malaysia yang bermula hari ini.

Beliau diiringi isterinya Daw Kyaing Kyaing dan delegasi dari Yangon.

Yang turut hadir pada jamuan itu ialah beberapa menteri kabinet dan pegawai kanan kerajaan.

Pada petang tadi, kedua-dua pemimpin menyaksikan penandatanganan dua dokumen untuk meningkatkan kerjasama dua hala dalam bidang pelancongan dan pertukaran maklumat antara kedua-dua negara.

Lawatan Than Shwe ke Malaysia adalah sebagai membalas lawatan Dr Mahathir ke Myanmar Januari lalu.

-- BERNAMA  
MAM MAM AKD